

SKÍÐABLADID

ÚTGEFANDI: SKÍÐARÁÐ ÍSAFJARDAR

1. töublað

Ísafjörður, mars 1948

I. árgangur



Ísfirzkir skíðamenn

ÁVARP.

Það var í fyrravetur á fundi í Skíðaráði Ísafjarðar, sem talið barst að því, hvort ekki væri möguleikar fyrir því, að Skíðaráðið gæfi út blað einu sinni á ári.

Vegna fjárvakts og ónógs undirbúnings gat ekki orðið af þessu þá, en nú hefur draumurinn rætzt með þessu fyrsta, tölublaði.

Ætlunin er, að framvegis komi blaðið út fyrir hvert skíðamót Vestfjarða og flytji greinar um þá menn og konur, sem skara fram úr í skíðaíþróttinni. Einnig er ætlunin að kynna þá félagsstarfsemi, er á undanförnum árum hefur lagt grundvöllin að skíðaíþróttinni eins og hún er í dag.

Mun þá að sjálfsögðu verða minnst helztu

forgöngumanna, bæði virkra þáttakenda í keppni og starfandi félagsleiðtoga.

Það er algengt að heyra talað um Ísafjörð sem skíðabæ. „Ísafjörður, þar sem fólkis fer á skíði um páskana“.

Ísfirðingar eru brautryðjendur í skíðaíþróttinni. Á árunum eftir 1930 þegar fyrstu landsmót á skíðum hefjast, ber mest á Ísfirðingum og Siglfirðingum, sem hafa líka aðstöðu til skíðaiðkana. Á striðsárunum fór allri heilbrigði þjóðarinnar aftur, og Ísfirðingar fóru sjaldnar á skíði. Nú er það von þeirra, sem unna skíðaíþróttinni og vilja vinna að heilbrigði íslenzkrar æsku, að þeir ungu menn og konur, sem nú hafa tekið upp merki gömlu ísfirzku skíðamannanna, hafi þrek og þor til að bera það fram til sigurs, þó með fullum drengskap og sóma fyrir Ísafjörð.

Fossavatnshlaupið.

Það var síðari hluta vetrar 1935, að Skíðafélag Ísafjarðar auglýsti keppni í 18 km. skíðagöngu. Áður hafði verið keppt tvisvar í 10 km. göngu á vegum U. M. F. Árvakur, Ísafirði, um Skíðagönguhorn Vestfjarða, sem gefið var af Guðmundi frá Mosdal 1933.

Reynsla sú sem fengist hafði í þeim kappgöngum, fannst forráðamönnum Skíðafélagsins benda til þess, að óhætt væri að boða til erfiðari kappruna. Var því ákveðið að fram skyldi fara keppni í 18 km. skíðagöngu, hið svokallaða Fossavatnshlaup annan páskadag 1935.

Að forráðamönnum Skíðafélagsins var ljóst, að þeir buðu hér til erfiðrar keppni má meðal annars marka af því, að keppendur í 18 km. göngunni urðu allir að mæta hjá lækni til skoðunar daginn, sem gangan fór fram, en þess hafði ekki verið krafist af keppendum í 10 km. göngunni.

Nafnið á göngunni, Fossavatnshlaup, var dregið af því, að hún byrjaði við Fossavatn, þaðan var gengið neðan til við Vatnahnúk fram fyrir botn Engidals yfir Nónvatn og Fellsháls fremst, þaðan í stefnu á Búrfell, ofan til við Miðfell og Sandfell að skálanum á Seljalandsdal.

Pegar fyrsta keppnin fór fram, var veður slæmt, snjókoma og stormur, svo ekki sá milli merkja á brautinni og slóðin fylltist á skammri stund, en þar sem keppendur voru allir ræstir í einu, mátti segja að allir hefðu sömu aðstöðu til að ganga í troðna slóð. En það var líka af annari ástæðu að það fyrirkomulag kom sér vel. Svo stóð á að þegar 1. keppandinn kom í mark, en það var á skaflí, sem endaði 150 til 200 m. fyrir ofan skálann voru tímaverðir og dómarar inni að drekka kaffi, því þeir væntu keppenda ekki svo fljótt. Vissu þeir ekki fyr af honum, en hann birtist á skálaglugganum. Þá var annar keppandinn að taka af sér skíðin í markinu, en sá þriðji rétt ókominn. Tíminn hjá tveim fyrstu mönnunum var af þessum ástæðum ekki nákvæmur, en um röðina var ekki að villast.

Páttakendur í þessari fyrstu 18 km. skíðagöngu voru 7. Frá Skátafelaginu Einherjar 3, þeir Magnús Kristjánsson, Sigurður Baldvinsson og Halldór Magnússon. Frá Skíðafélagi Ísafjarðar 3, þeir Sigmundur Jónsson, Óli Sigmundsson og Guðmundur Hallgrímsson. Frá Knattspyrnufélagini Herði 1, Sigurjón Halldórsson.

Fyrstur að marki varð Magnús Kristjánsson, annan Sigurjón Halldórsson, þriðji Sigurður Baldvinsson.

Í annað sinn fór Fossavatnshlaupið fram annan páskadag 1936 í bezta veðri og færri. Hófst það framan til við Vatnahnúk og var því nokkru styttra en árið áður. Þá sigraði í annað sinn Magnús Kristjánsson frá Skátafelaginu Einherjar, annar varð Guðmundur Hallgrímsson frá Skíðafélagi Ísafjarðar, þriðji Bolli Gunnarsson frá Skátafelaginu „Einherjar“.

Páttakendur voru 9 frá 4 félögum, 3 frá Skátafelaginu „Einherjar“, 1 frá Skíðafélagi Ísafjarðar, 1 frá Knattspyrnufélagini Herði, 4 frá Málfunda- og íþróttafélagini Ármann. Keppendur voru allir ræstir í einu eins og árið áður.

Árið 1937 hófst gangan við skálann á Seljalandsdal, lá brautin þaðan fram að Búrfelli yfir í Fellsháls heim á Hnífafjall og aftur fram að Búrfelli, þaðan heim að skála sömu leið og gengin var frameftir. Veður var ágætt en færir þungt. Sigurvegarí varð í þetta sinn Magnús Kristjánsson frá Einherjum, annar Sigurjón Halldórsson frá Ármanni, þriðji Guðmundur Hallgrímsson frá Einherjum.

Í þetta sinn voru keppendur 8 frá 4 félögum, 3 frá Einherjum 3 frá Ármanni, 1 frá Herði, 1 frá Skíðafélagini. Peir voru ræstir með hálfarar mínútu millibili.

Árið 1938 fór gangan fram á svipuðum slóðum og árið áður í góðu veðri en erfiðu færir, keppendur voru 14 frá þrem félögum, 3 frá Einherjum, 5 frá Ármanni, 6 frá Skíðafélagini. Fyrstur varð í þetta sinn Magnús Kristjánsson, 2. Gísli bróðir hans, báðir frá Einherjum, 3. Sigurjón Halldórsson frá Ármanni.

Árið 1939 í 5. og síðasta sinn, sem Fossa-

Sigurjón Halldórsson

Einn ötulasti göngumaður Vestfjarða.

Sigurjón Halldórsson er fæddur í Tungu í Skutulsfirði 24. febr. 1912, sonur Halldórs Jónssonar bónda í Tungu og konu hans, Kristínar Hagalínsdóttur, sem látin er fyrir fyrir einu ári.

Sigurjón ólst upp hjá foreldrum sínum í Tungu og hefur verið þar ávallt síðan sem önnur hönd þeirra í búskapnum ásamt Bjarna bróður sínum.

Ungur hóf Sigurjón skíðaferðir og hefur síðan 1935 stundað þær sem íþrótt og þó mest skíðagöngu. Siðan hefur hann tekið þátt í 13 18 km. og 6 10 km. kappgöngum bæði á landsmótum og héraðsmótum og auk þess í 7 10 km. kappgöngum á innanfélagsmótum Íþróttafélagsins Ármanni í Skutulsfirði. Einnig hefur Sigurjón tekið þátt í keppni í svigi og stökki, með góðum árangri. Hann hefur ávallt verið með fremstu keppendum í skíðagöngu og oft fyrstur. Í þrjú ár í röð, 1943 til '45 vann hann og bar sæmdarheitið „skíðakóngur Vestfjarða“, í samanlagðri keppni í 18 km. göngu og stökki. Hann hefur einnig oft verið fyrstur í 10 km. kappgöngu, bæði á innanfélags síns Ármanns og utan.

Eins og sjá má af framangreindu hefur Sigurjón þannig ávallt verið með þeim fremstu í röð keppenda sinna hverju sinni.

Í félagsmálum hefur hann einnig tekið mjög virkan þátt. Hefur verið í stjórn Í-

vatnshlaupið var háð, hófst það við Sjónarhæð, var gengið með fram veginum inn að Kirkjubóli, þaðan yfir í hlíðina utan til við Fossatúnið upp í Fossadal, þaðan niður hjá Rafstöðinni, út með veginum og endað við Sjónarhæð. Keppendur voru 11 frá þrem félögum, 6 frá Einherjum, 4 frá Ármanni og 1 frá Skíðafélaginu.

Fyrstur varð Gísli Kristjánsson frá Einherjum, annar Sigurður Jónsson frá Einherjum, þriðji Sigurjón Halldórsson frá Ármani.

Magnús Kristjánsson tók ekki þátt í göng-



Sigurjón Halldórsson

þróttafélagsins Ármanni í Skutulsfirði um margra ára skeið og formaður frá 1943, ennfremur gegnt mörgum öðrum trúnaðarstörfum fyrir félag sitt, verið fulltrúi á ársþingum Íþróttabandalags Ísfirðinga frá stofnun þess og nú á síðasta þingi kosinn í stjórn þess sem fulltrúi „Ármanns“ í Skutulsfirði.

Það má um Sigurjón segja, að hann er traustur og góður bæði sem félagi og leiðtogi, ásamt því að vera vel íþróttum búinn. Er hverju félagi styrkur og sómi að slíkum mönnum.

P. T. P.

unni að þessu sinni. Veður og færi var ágaett.

Það hefir verið stiklað á stóru í þessari frásögn af Fossavatnshlaupinu, þó það væri vel þess vert að því væru gerð betri skil.

Í þetta yfirlit vantar margt, til daemis tíma keppendanna, sem margir munu sakna. Ef nánar er að gáð sést að tíminn segir okkur lítið um afreksgetu manna, því skilyrði til keppni og brautir eru aldrei eins ár eftir ár. Á þessum fyrstu árum skíðaiþróttarinnar hér, voru skíði og ann-

Framhald á 6. síðu.

Íslandsmeistari í svigi kvenna
1939



Martha Arnadóttir

Skíðablaðinu þykir rétt, um leið og það hefur göngu sína, að minnast einnig á skerf kvenfólksins í þessari íþróttgrein, og sérstaklega þeirrar, er gert hefur garðinn frægan, en það er frú Martha Arnadóttir, er keppti þá fyrir Skíðafélag Ísafjarðar.

Fyrsta mótið, sem ísfirzkar stúlkur eru þáttakendur í, er landsmótið, sem haldið var hér 1939. Þáttakendur voru fjórir. Martha varð þá Íslandsmeistari, en keppni fór þá ekki fram í bruni. Martha mætti einnig sem fulltrúi kvenfólksins á landsmóti á Akureyri 1940, og varð þá önnur í svigi eftir harða og tvísýna keppni. Vestfjarðameistari í svigi varð Martha 1940 og hélt þeim titli til 1946.

Hér á Ísafirði fór fram göngukeppni kvenna 1939. Brautin var 5 km. löng, og sigraði Martha þar glæsilega.

Þessi ganga er ein af þeim fáu, eða sú eina, sem fram hefur farið hér á landi.

Síðan þessir fyrstu fulltrúar kvenfólksins gerðu garðinn frægan í þessari íþrótt, hefur farið frekar lítið fyrir keppni meðal kvenna. Þó má segja að nú séu góðar vonir með að ísfirzka kvenfólkis láti ekki sinn hlut eftir liggja. Ísfirzkar stúlkur munu sennilega sækja skíðalandsmótið í ár, sem vonandi verður aðeins visir að því, er seinna verður.

Skíðakappi Vestfjarða 1497

Arnór Stigsson er seftaður norðan frá Horni í N.-Ísafjarðarsýslu. Hann ólst upp við venjulega sveitavinnu, en í frístundum sínum fór hann snemma að reyna við ýmsar íþróttir eftir því sem hann ímyndaði sér þær eftir bókum og öðrum upplýsingum, því tilsagnar átti hann ekki kost.

Einkum beindist hugur hans að skíðaíþróttinni. Arnór er mjög laghentur að eðlisfari og kom það honum að góðu haldi við að útbúa sér skíði, því ekki var hægt að ganga í næstu búð og kaupa þau.

Arnór hafði lengi dreymt um að fá til sögn í skíðaíþróttinni, en sá draumur hans rættist ekki, fyrr en fyrir tveim árum, að hann komst í skíðaskólann á Seljalandsdal, en þar telur Arnór sig hafa fengið þá undirstöðu, er hann muni bezt búa að, undir leiðsögn hins ágæta kennara Guðm. Hallgrímssónar.

Það er ekki fyrr en á síðustu tveim árum, sem Arnór tekur þátt í keppni. Hann hefur ýmist tapað eða sigrað, en eins og sönum íþróttamanni sæmir tekur hann hvorutteggja með sömu prúðmennsku. Sinn stærsta sigur vann Arnór á Skíðamóti Vestfjarða í fyrra, þegar hann sigraði tvo fyrr



Arnór
Stigsson

Skíðakappi Vestfjarða 1946 —

Íslandsmeistari í skíðagöngu 1947.

Jóhann Jónsson.



Jóhann Jónsson, göngukappi Íslands 1947, er fæddur á Hól mavík 1921.

Hann ólst upp á Kaldrananesi við Steingrimsfjörð.

Eins og flestir íslenzkir sveitadrengir fór Jóhann snemma á skíði og má því segja að hann hafi alist upp á skíðum.

Jóhann kepti fyrst í skíðagöngu 1938, þá 16 ára gamall, en varð þó annar í röðinni.

Petta var fyrsta héraðsmót skíðamanna í Strandasýslu. Jóhann segir að þetta ár hafi menn fyrst farið að nota tvo stafi í skíðagöngu, en eins og menn vita þá gengu feður okkar við einn staf, er þeir tvihentu við aðra hlið sér.

1939 ferðast Gísli Kristjánsson frá Ísafirði til nokkurra staða í Strandasýslu og kennir þar svig og göngu. Þá fær Jóhann sína fyrstu tilsogn í skíðaæfingu.

1940 keppir Jóhann fyrst á Vestfjarðamót og er fyrstur í 10 km. göngu. 1941 keppir hann svo heima á Ströndum og er

verandi Vestfjarðakappa og vann Vestfjarðahornið og þar með sæmdarheitið Skíðakappi Vestfjarða 1947.

annar í 18 km. göngu. Síðan falla úr þrjú ár, sem Jóhann hvorki æfir eða keppir, svo það má furðulegt heita, hversu hann nær sér upp aftur seinna. 1945 keppir hann heima í Strandasýslu á héraðsmóti og á landsmóti, sem þá er háð á Ísafirði. Á þessu landsmóti sigrar í 18 km. göngu Guðmundsson frá I. B. A., en Jóhann verður sjöundi.

1946 er Jóhann aftur að ná sér á strik. Þá vinnur hann 18 km. göngu heima á Ströndum og á Vestfjarðamóti það ár vinnur hann Vestfjarðahornið.

1947 fer Jóhann á landsmót og sigrar í 18 km. göngu með þeim glæsibrag að verða nokkrum mínútum á undan næsta manni.

Árið 1948 er að byrja. Jóhann hefur tekioð þátt í einu skíðamóti heima á Ströndum. Þar sigrar Hann í öllum greinum, sem hann tók þátt í. Hann mun einnig taka þátt í Vestfjarða- og landsmóti í ár.

Það getur hvergi að líta drengilegri keppanda en Jóhann Jónsson. Það sannast á honum að samfara mikilli getu og góðum haefileikum er prúð og hógvær framkoma.

Skíðablaðið óskar Jóhanni til hamingju með unna sigrar og óskar honum góðs gengis í framtíðinni.

G. S.

Fossavatnshlaupið. (Frh. af 3. síðu).

ar útbúnaður keppenda svo misjafn að það eitt var ærið nóg til að mikill tímamunur varð á mönnum. Af því sem hér hefir verið sagt um keppendur Fossavatnshlaupsins sést þó að Magnús Kristjánsson hefir tví-mælalaust verið mesti göngumaðurinn á þessu tímabili.

RITNEFND:

Guttermur Sigurbjörnsson. Guðm. Benediktsson.
Einar Ingvarsson.

Prentstofan Ísrún h.f.

TIL SÖLU

tvö rúmstæði án eða með fjaðradýnum.

Jónas Tómasson.

Tökum að oss raflagnir í hús, skip

og verksmiðjur.

Öll vinna framkvæmd af fagmönnum, fljótt og vel af hendi leyst.

NEISTI H.F.

Sími 112.

Ísfirðingar!**Ísfirðingar!**

Ódýrasta og bezta skemmtunin í þessum bæ er að sjá góða, skemmtilega eða spennandi

KVIKMYND

Sýningar að jafnaði á hverju kvöldi.

Bíó Alþýðuhússins.

Virkið í Norðri I. og II.

Dalalíf I. og II.

Hjá vondu fólki.

Fjallamenn.

Hálfa öld á hafi úti.

Allar fáanlegar íslenzkar bækur.

Bókabúð Matth. Bjarnasonar

Ísafirði.

Verzlun Böðvars Sveinbjarnarsonar

Hafnarstræti 4

Vefnaðarvara. Tóbak. Sælgæti.

Norskabakaríð

stofnsett 1884

Brauð — Kökur — Sælgæti

Silfurgötu 5

Sími 51

Frá Almennum tryggingum h.f.

Tökum að oss eftirtaldar tryggingar:

Bifreiðatryggingar

Sjótryggingar

Brunatryggingar

Hafið þér athugað hvort eigur yðar eru tryggðar í samræmi við verðlag. Athugið þetta strax í dag, ogsækið um nýja tryggingu.

F. h. Almennar tryggingar h.f.

Umboðið á Ísafirði.

Porleifur Guðmundsson.

Húsmæðurnar segja

að alltaf sé

Stjörnusmjörlíkið

bezt bæði til viðbits

og bökunar.

Landsbanki Íslands

útibúið á Ísafirði.